



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u septembru 2023. godine




Monetarna kretanja – septembar 2023. godina

Ukupna novčana masa (M2) na kraju septembra 2023. godine iznosila je 35,13 milijardi KM, u odnosu na prethodni mjesec registrovan je porast novčane mase za 141 milion KM (0,4%). Porast novčane mase (M2) u septembru 2023. godine, rezultat je povećanja novca (M1) za 38,1 milion KM (0,2%) i kvazi novca (QM) za 103 miliona KM (0,7%). Gotovina izvan banaka je povećana za 8,2 miliona KM (0,1%), a prenosivi depoziti u domaćoj valuti za 29,8 miliona KM (0,2%), što je rezultiralo povećanjem novca (M1). Kvazi novac (QM) je povećan usljed porasta prenosivih depozita u stranoj valuti za 50,9 miliona KM (1,3%), ostalih depozita u domaćoj valuti za 3,9 miliona KM (0,1%) i ostalih depozita u stranoj valuti za 48,2 miliona KM (0,7%).

Na godišnjem nivou, porast novčane mase (M2) u septembru 2023. godine iznosio je 2,41 milijardu KM (7,4%). Rast je ostvaren kod gotovine izvan banaka za 316,2 miliona KM (5,2%), kod prenosivih depozita u domaćoj valuti za 1,45 milijardi KM (10,8%), prenosivih depozita u stranoj valuti za 552,6 miliona KM (16,0%), ostalih depozita u domaćoj valuti za 6,8 miliona KM (0,2%) i kod ostalih depozita u stranoj valuti za 88,7 miliona KM (1,3%).

Monetarni agregati



Protustavka povećanju novčane mase (M2) na mjesečnom nivou u septembru 2023. godine u iznosu od 141 milion KM (0,4%) je smanjenje neto strane aktive (NSA) za 19,4 miliona KM (0,1%) i povećanje neto domaće aktive (NDA) za 160,5 miliona KM (1,1%). Porast novčane mase (M2) na godišnjem nivou od 2,41 milijardu KM (7,4%), rezultat je porasta neto strane aktive (NSA) za 1,03 milijarde KM (5,3%) i neto domaće aktive (NDA) za 1,39 milijardi KM (10,3%).

Monetarni pregled

	Stanje u mil. KM IX 2023	Mjesečne promjene u mil. KM			Godišnje stope rasta u %		
		VII 2023	VIII 2023	IX 2023	VII 2023	VIII 2023	IX 2023
Aktiva							
1. Neto strana aktiva	20.296,6	353,7	422,6	-19,4	5,5	5,6	5,3
1.1. Strana aktiva	21.756,2	347,7	449,3	-38,3	3,2	3,5	3,4
1.2. Strana pasiva	-1.459,6	6,0	-26,7	18,9	-20,5	-17,9	-17,2
2. Neto domaća aktiva	14.829,7	275,3	-118,7	160,5	12,2	10,3	10,3
2.1. Potraživanja od centralne vlade (neto), kantona i općina	508,5	249,9	-27,4	11,9	-254,2	-274,7	-359,8
2.2. Potraživanja od domaćih sektora	22.147,4	87,7	43,1	198,3	5,4	5,6	6,4
2.3. Ostale stavke	-7.826,2	-62,3	-134,4	-49,7	5,2	8,1	9,0
Pasiva							
1. Novčana masa (M2)	35.126,3	629,0	303,8	141,0	8,3	7,5	7,4
1.1. Novac (M1)	21.185,3	632,6	179,5	38,1	11,6	9,9	9,1
1.2. Kvazi novac (QM)	13.941,0	-3,6	124,3	103,0	3,5	4,0	4,9

Kreditni

Ukupni krediti domaćim sektorima na kraju septembra 2023. godine iznosili su 23,04 milijarde KM, u odnosu na prethodni mjesec zabilježeno je povećanje kredita od 184,1 milion KM (0,8%). Kreditni rast registrovan je kod sektora stanovništva za 79,2 miliona KM (0,7%), kod privatnih preduzeća za 124,6 miliona KM (1,3%) i kod ostalih domaćih sektora za 1,2 miliona KM (0,5%). Smanjenje kreditnog rasta registrovano je kod nefinansijskih javnih preduzeća za 1,3 miliona KM (0,2%) i kod vladinih institucija za 19,6 miliona KM (1,9%).

Godišnja stopa rasta ukupnih kredita u septembru 2023. godine iznosila je 5,5%, nominalno 1,2 milijarde KM. Godišnji rast kredita registrovan je kod sektora stanovništva za 712,6 miliona KM (6,5%), privatnih preduzeća za 485,9 miliona KM (5,3%), nefinansijskih javnih preduzeća za 62,2 miliona KM (11,7%) i kod ostalih domaćih sektora za 46,6 miliona KM (26%). Smanjenje kreditnog rasta na godišnjem nivou registrovano je kod vladinih institucija za 112,8 miliona KM (9,9%).

Sektorska struktura kredita

	Stanje u mil. KM IX 2023	Mjesečne promjene u mil. KM			Godišnje stope promjene u %		
		VII 2023	VIII 2023	IX 2023	VII 2023	VIII 2023	IX 2023
Ukupno	23.042,6	84,6	47,7	184,1	4,8	4,8	5,5
Od toga:							
Stanovništvo	11.616,3	81,2	72,1	79,2	5,9	6,3	6,5
Privatna preduzeća	9.583,9	-6,9	-29,3	124,6	3,4	3,7	5,3
Vladine institucije	1.022,1	3,3	-3,5	-19,6	-3,9	-7,9	-9,9
Javna preduzeća	594,9	-5,7	6,2	-1,3	17,0	12,3	11,7
Kreditni ostalim domaćim sektorima	225,5	12,8	2,3	1,2	32,1	33,7	26,0

Depoziti

Ukupni depoziti domaćih sektora na kraju septembra 2023. godine iznosili su 30,66 milijardi KM, u odnosu na prethodni mjesec depoziti su povećani za 151,7 miliona KM (0,5%). Rast depozita na mjesečnom nivou registrovan je kod sektora stanovništva za 140,3 miliona KM (0,9%), privatnih preduzeća za 17,5 miliona KM (0,3%) i kod vladinih institucija za 28,7 miliona KM (0,6%). Depoziti su smanjeni kod nefinansijskih javnih preduzeća za 26,1 milion KM (1,4%) i kod ostalih sektora za 8,6 miliona KM (0,5%).

Godišnja stopa rasta ukupnih depozita u septembru 2023. godine iznosila je 6,9%, što je u apsolutnom iznosu 1,98 milijardi KM. Godišnji rast depozita registrovan je kod sektora stanovništva za 1,35 milijardi KM (9,5%) i kod privatnih preduzeća za 951,5 miliona KM (16,2%). Depoziti su na godišnjem nivou smanjeni kod vladinih institucija za 183,1 milion KM (3,9%), kod nefinansijskih javnih preduzeća za 99 miliona KM (5,0%) i kod ostalih domaćih sektora za 42 miliona KM (2,2%).

Sektorska struktura depozita

	Stanje u mil. KM IX 2023	Mjesečne promjene u mil. KM			Godišnje stope promjene u %		
		VII 2023	VIII 2023	IX 2023	VII 2023	VIII 2023	IX 2023
Ukupno	30.660,7	302,9	343,2	151,7	7,5	6,8	6,9
Od toga:							
Stanovništvo	15.566,2	70,5	107,7	140,3	9,6	9,3	9,5
Privatna preduzeća	6.829,5	270,9	153,1	17,5	19,8	16,8	16,2
Vladine institucije	4.539,2	-12,1	47,2	28,7	-4,6	-5,3	-3,9
Javna preduzeća	1.882,5	3,2	18,3	-26,1	-6,2	-5,9	-5,0
Depoziti ostalih domaćih sektora	1.843,3	-29,6	16,9	-8,6	0,4	0,3	-2,2

Devizne rezerve

Devizne rezerve Centralne banke BiH na kraju septembra 2023. godine iznosile su 15,92 milijarde KM. U odnosu na prethodni mjesec zabilježeno je povećanje deviznih rezervi od 44,2 miliona KM (0,3%).

U strukturi deviznih rezervi, na mjesečnom nivou su povećane investicije u vrijednosne papire za 140,8 miliona KM (2,1%), dok su depoziti kod nerezidentnih banaka smanjeni za 92,8 miliona KM (1,1%).